



# თეთრიწყაროს მუნიციპალიტეტის საკრებულო

## განკარგულება №37

15 სექტემბერი, 2020 წელი

ქ. თეთრიწყარო

მუნიციპალიტეტის წარმომადგენლობითი ორგანოს – საკრებულოს 2017 წლის 21 ოქტომბრის არჩევნების მაჟორიტარული საარჩევნო სისტემით თეთრიწყაროს მუნიციპალიტეტის საკრებულოს 2020 წლის 31 ოქტომბრის შუალედურ არჩევნებთან დაკავშირებით თეთრიწყაროს მუნიციპალიტეტის ტერიტორიაზე საარჩევნო – სააგიტაციო მასალის განთავსების რეგულირების შესახებ

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლისა და საქართველოს ორგანული კანონის „საქართველოს საარჩევნო კოდექსის“ 46-ე მუხლის საფუძველზე, საქართველოს ცენტრალური საარჩევნო კომისიის 2020 წლის 11 სექტემბრის №123/2020 განკარგულებიდან და №33/2020 დადგენილებიდან გამომდინარე

### მუხლი 1.

1. თეთრიწყაროს მუნიციპალიტეტის ტერიტორიაზე თეთრიწყაროს მუნიციპალიტეტის საკრებულოს 2020 წლის 31 ოქტომბრის შუალედურ არჩევნებთან დაკავშირებული სააგიტაციო მასალის განსათავსებლად გამოიყოს მუნიციპალიტეტის საკუთრებაში არსებული გარე განათების ბოძები;
2. ბეჭდვითი სააგიტაციო მასალის გამოსაფენად გამოყენებული იქნეს სარეკლამო აბრები და საინფორმაციო სტენდები.
3. ამ მუხლის პირველი პუნქტით განსაზღვრული, მუნიციპალიტეტის საკუთრებაში არსებული ობიექტების გარდა, სააგიტაციო მასალა შეიძლება გამოიფინოს შენობა-ნაგებობებსა და სხვა ობიექტებზე მათი მესაკუთრის ან მფლობელის თანხმობის შემთხვევაში.
4. სააგიტაციო მასალის განთავსება აკრძალოს:
  - ა) რელიგიურ და საკულტო ნაგებობებზე;
  - ბ) სახელმწიფო ხელისუფლებისა და ადგილობრივი თვითმმართველობის ორგანოების შენობების ინტერიერსა და ექსტერიერში;
  - გ) პოლიციის შენობების ინტერიერსა და ექსტერიერში;
  - დ) სასამართლოს შენობის ინტერიერსა და ექსტერიერში;
  - ე) სამხედრო შენაერთების ინტერიერსა და ექსტერიერში;
  - ვ) საგზაო ნიშნებზე;
  - ზ) საგანმანათლებლო დაწესებულებების შენობების ინტერიერსა და ექსტერიერში;
  - თ) ძეგლებსა და ბიუსტებზე;
  - ი) მუზეუმის შენობების ინტერიერსა და ექსტერიერში;
  - კ) სოფლებში არსებულ „შინმოუსვლელთა ობელისკის“ ტერიტორიაზე;
  - ლ) შენობებზე, სადაც განთავსებულია საოლქო და საუბნო საარჩევნო კომისიები;
  - მ) ქ. თეთრიწყაროში მდებარე საავადმყოფოს შენობის ინტერიერსა და ექსტერიერში;
5. დაევალოს თეთრიწყაროს მუნიციპალიტეტის საკრებულოს აპარატს სააგიტაციო მასალების განთავსების რეგულირებასთან დაკავშირებული ინფორმაციის გამოქვეყნება მუნიციპალიტეტის ოფიციალურ ვებგვერდზე.

### მუხლი 2.

განკარგულება ცნობისათვის გადაეგზავნოს N26 თეთრიწყაროს საარჩევნო კომისიას.



**მუხლი 3.**

განკარგულება შეიძლება გასაჩივრდეს თეთრიწყაროს რაიონულ სასამართლოში (ქ.თეთრიწყარო, კოსტავას ქ.N11), საქართველოს ადმინისტრაციული საპროცესო კოდექსის შესაბამისად.

**მუხლი 4.**

განკარგულება ამოქმედდეს ხელმოწერისთანავე.

გოჩა თედორაძე

საკრებულოს თავმჯდომარე

